

docstiver 文川网
古籍书城
入驻商家 获取更多电子书
在文川网搜索古籍书城

福州府志

〔上〕

〔明〕叶溥 张孟敬纂修




福州市地方志编纂委员会整理
海风出版社出版

责任编辑：刘克
林国泰



ISBN 7-80597-361-X



9 787805 973616 >

ISBN 7-80597-361-X/K·18

定价：168.00元(上、下册)

福州府志

〔上〕

〔明〕 叶 溥 张孟敬纂修

福州市地方志编纂委员会整理
二〇〇一年七月

docsriver 文川网
入驻商家 古籍书城

在文川网搜索古籍书城 获取更多电子书

旧志整理编辑室

主 编 张天禄
顾 问 黄启权 林贻瑞
编 辑 林振平 陈金清 黄慧娜 吴善聘 郭 琳
黄凯端 陈 雯 林 娜 林梅春 方仁杰
梁信明 陈建安
编 务 钱 展 林雪锋 卓 颖 林跃东

出版说明

明正德《福州府志》始纂于正德初年，由从政家居的南京吏部尚书林瀚、致仕的南京户部尚书林洋、别驾林谨夫、名士周朝仕、李榕等人共同从事编纂工作。志未就而林洋、林谨夫先后去世，事遂中辍。数年后，福州太守叶溥发动同僚捐俸助修，由林瀚之孙林炫主持修纂，礼聘州博士张孟敬、庶吉士刘世扬、进士廖世昭同事编纂，“开局钟山，按旧志，据新编，参之以闻见，凡五阅月而书。”时正德十五年（庚辰）（1521年），故此志又称明正德庚辰志。

是志体例，参校明《一统志》、《八闽通志》、《闽中记》、《三山志》、《三山续志》，取其长、去其短，同时引用了其中的一些材料；全书分地理、食货、封爵、官政、学校、选举、人物、祀典、官室、祥异、文翰、其杂志、外志，共13纲，下再细分为42目，共40卷。

时值明王朝由盛转衰之际，社会政治、经济文化、典章制度均处于急剧变化之中。本志开明代修志之先河，也为我们保留了极其宝贵的福州历史资料。为使其不致湮灭无闻，我们将其点校出版。囿于水平，错误在所难免，敬请识者指教。

本书由林贻瑞先生审校，梁信明、陈雯、施美榕、林梅春、郭琳、薛朝武、林金、吴善聘、陈作赐、肖忠生、方仁杰、陈建安、赵日和、李凤莺、朱昭祥等参加校对。

福州市地方志编纂委员会

二〇〇一年七月

点校凡例

一、力求保留原文面貌，不予轻易改动。凡属时代、历史的评价问题，如斥农民起义为“寇”，赞扬忠臣、孝子、义夫、节妇的，一仍其旧，留待读者分析批判。

二、原文的繁体字，均改为简体字；对个别可能引起歧义的，始保留繁体字。

三、对原文加以标点符号，以便读者阅读。

四、原文中明显属于错字、衍字的，予以改正；凡疑信参半者，则阙而不论，姑存旧貌，以待识者，篇末不另加注。

五、凡原文中因避讳而改字、减少字划的，如改“玄”为“元”、改“丘”为“邱”、改“弘”为“宏”的，均予复还原字，不另作说明。

六、凡原文中遇“国朝”、“朝廷”、“皇上”等，为示尊崇而作抬头处理的，均予取消。

《福州府志》序

志，志吾福也。福郡志，昉于唐《闽中记》。宋淳熙有《三山志》，元致和有《三山续志》。三山，古郡名也，故志因之。暨我皇明，治教隆盛，冠裳文物，雄于东南。百五十年来，顾未有萃而志之者，非一郡缺典欤？正德初，吾父泉山翁以留都司马致参赞事于家，郡侯余公祐尝以斯志属笔焉，遂借致政大司徒林公泮、别驾林公谨夫，暨郡庠名士周子朝仕、李子谿辈同事于铅槧者久之。第一郡十邑之广，岁远政繁，劳于蒐辑，志未就而司马别驾先后捐馆，有遗憾焉！又数年，栝苍叶公溥来自谏垣，才识宏远，治郡绰有余力，锐意以毕斯志，谋于同寅，贰守陈公镛、通判叶公元晖、莫公俱、节推钱公应福赞襄允谐，都运黄公阅古、同运盛公龙胥捐俸以相其役。于是礼延州博士张子孟敬、庶吉士刘子世扬、进士廖子世昭同事编纂，而吾儿主事炫亦预焉。开局钟山，按旧志，据新编，参之以闻见，五阅月而书成。叶侯躬为评鹭，仍请裁于吾翁，且属为序。翁乐睹一郡文献之足征也，欣然诺之。詎意昊天不吊，吾翁奄逝，而序未就稿。侯入覲，贰守握郡章，经营钁梓，又五阅月而工告成。顾谓不肖曰：“此尊翁之遗意也，子其缙成之，毋让”。呜呼！岁月曾几何，而乡邦典刑，相继凋谢。手泽犹新，音容何在？抚卷摧咽，执笔不能文。姑述其梗概如此，以塞侯请，以毕先大夫之志，言有尽而情无穷也，悲哉！志凡四十卷，首地理，终外志，其为纲若干，为目若干，条达详明，得志体。易以今名，遵王制也。或曰：“此郡志也，命使藩臬，何以系之郡耶？”曰：“福，首郡也，而公署临焉。有署斯有职，有职斯有

政、政之最者曰名宦。名宦因祀于郡庠，则职与政载之郡志，无嫌于僭也，敢并及之。”

大明正德十五年庚辰春三月，赐进士出身亚中大夫、云南布政使司左参政、前兵部郎中知苏州府事，郡人林庭楫谨序。

《福州府志》凡例

一 是编纲领次第，上遵《一统志》，近法《八闽通志》，取证于《闽中记》、《三山志》、《三山续志》，赘述新闻而为书。内三邑颇详。外邑仅据其志，有不能致详者矣。

一 是志纲有十三，目有四十二，首之以地理。夫有天地，然后有万物，划野分州，莫辨於地理，故受之以地理。有地此有财矣，有财此有用矣，故受之以食货。地理、食货，不可无所统也，故受之以封爵焉，官政焉。政莫大乎教也，故受之以学校。学校，人材之所出也，故受之以选举。选举，人材之贤者也，而有贤之尤也，又有贤而非选举也，故受之以人物。政又莫大乎祀也，故受之以祀典。人之不能无宫室以游以处也，故受之以宫室。灾异禎祥，关乎政与人也，故受之以祥异。地理而下，不可无所纪也，故受之以文翰。志之不能尽志也，故受之以杂志。杂者，杂也，杂而为异端者，寺观仙释也，故受之以外志终焉。

一 福为会郡，镇按藩臬之治在焉，非它郡比。兹列其公署，职员、职官、名宦皆书。

一 志中凡职官及乡先辈，皆名以志，史法也。

一 名宦，以官为叙，而官列先后焉。贵贵贤贤，其义一也。然必其人不在位者书，虽迁去而有位亦不书。

一 人物，其师友渊源弗畔于道者，曰道学。其经术醇正，行为世范者，曰儒林。其出处光明，操履无玷，论议正直，勋业隆盛者，曰名臣。其曰忠节，曰士行，懿有足尚焉。曰文苑、曰宦迹，才有足表焉。曰孝义、曰迂寓、曰隐逸，风有足称焉。

曰材艺，其著者亦不容混焉，然必其人已歿而后为定论尔。

一 列女，有已被褒旌及志行卓烈，固在所录矣。其有未及上闻，操节足称，无间存歿，亦慎载焉。

一 城中坊巷、桥梁，亦以三邑为叙，而后统纪明秩。

一 志者，纪事之书也。其文贵约，其事贵核，其例贵严。各志类有引语，互相蹈袭，其流为赘，今唯直书，或为小叙，意尽而止焉。

目 录

| | |
|------------------------------|------|
| 《福州府志》序 | (1) |
| 《福州府志》凡例..... | (1) |
| 《福州府志》目录..... | (1) |
| 卷之一..... | (1) |
| 地理志..... | (1) |
| 建置沿革..... | (1) |
| 郡 名..... | (5) |
| 分 野..... | (7) |
| 疆 域..... | (7) |
| 形 胜 | (12) |
| 风 俗 | (13) |
| 卷之二 | (18) |
| 地理志 | (18) |
| 山 川 | (18) |
| 卷之三 | (51) |
| 地理志 | (51) |
| 山 川 <small>岛夷附</small> | (51) |
| 卷之四 | (68) |
| 地理志 | (68) |

| | |
|------------------------------|-------|
| 城 池 | (68) |
| 坊 巷 | (71) |
| 卷之五 | (94) |
| 地理志 | (94) |
| 乡 都 | (94) |
| 卷之六 | (112) |
| 地理志 | (112) |
| 桥 梁 | (112) |
| 水 利 | (129) |
| 卷之七 | (166) |
| 食货志 | (166) |
| 户 口 | (166) |
| 土 田 | (167) |
| 赋 役 <small>玩场附</small> | (172) |
| 卷之八 | (192) |
| 食货志 | (192) |
| 物 产 | (192) |
| 卷之九 | (214) |
| 封爵志 | (214) |
| 卷之十 | (224) |
| 官政志 | (224) |
| 公 署 | (224) |
| 卷之十一 | (230) |

| | |
|------------|-------|
| 官政志..... | (230) |
| 公 署..... | (230) |
| 卷之十二 | (245) |
| 官政志..... | (245) |
| 职 员..... | (245) |
| 卷之十三 | (270) |
| 官政志..... | (270) |
| 职 官..... | (270) |
| 卷之十四 | (359) |
| 官政志..... | (359) |
| 职 官..... | (359) |
| 卷之十五 | (491) |
| 官政志..... | (491) |
| 名 宦..... | (491) |
| 卷之十六 | (508) |
| 官政志..... | (508) |
| 名 宦..... | (508) |
| 卷之十七 | (521) |
| 官政志..... | (521) |
| 名 宦..... | (521) |
| 卷之十八 | (537) |
| 官政志..... | (537) |

| | |
|------------|-------|
| 武 备..... | (537) |
| 卷之十九 | (541) |
| 官政志..... | (541) |
| 恤 政..... | (541) |
| 卷之二十 | (547) |
| 学校志..... | (547) |

正德《福州府志》卷之一

地理志

福州，古七闽之地，自见于周《职方》，历汉而唐，而宋，迄于我国朝则大盛，而为八郡之会矣。有建置，有郡名，有分野，有疆域，有形胜，有风俗，有山川，有城池，有坊巷，有乡都，有桥梁，有水利，兹汇之为地理志。

建置沿革

福州府 禹贡为扬州域，周官为七闽地。初，夏少康封庶于无馀于会稽，闽地与焉。传至无疆，楚灭之，地属楚。秦灭楚，属闽中郡。汉初，封无疆七世孙无诸为闽越王，都冶，即今越山之南曰冶山者。领瓯闽地。孝惠立闽越君摇为东海王，都东瓯。武帝时，摇传王郢，擅击南越，其弟余吾杀郢，请立。汉立繇君丑为繇王，立余善为东越王。后繇王居股杀余善。汉降居股为东成侯，迁其民於江淮。甯山谷者后稍出，自立为冶县。汉因置会稽南郡都尉遥制之。建安初，始有侯官等五县，亦皆豪杰自立。侯官，即今福、兴、漳、泉之地。建安，即今建宁。南平即延平。汉兴即浦城，其一缺书。吴永安三年置建安郡。晋以侯官为晋安郡，辖原丰、新罗、宛平、同安、侯官、罗江、晋安、温麻，凡八县。隶扬州，改隶江州。刘宋改晋平郡，寻复故。梁置南安郡，陈升闽州，始为刺史治

所，后改丰州。隋改泉州，又为闽州，又改建安郡，领县四，治闽县。闽即今福州，建安即建宁，南安即今南安县，龙溪今之漳州。唐改建州，移治建安，寻析置泉州，县五，闽、侯官、长乐、连江、长溪。后改为闽州都督。开元间，改福州都督府，置经略使。领福、泉、建、汀四州。天宝初，改隶江南东道，历改长乐郡宁海军，改都防御使兼宁海军使，复为福州都督府。上元间，升节度使。领福、泉、建、汀、漳、潮六州。大历间，罢节度，置都团练观察处置使。乾符间，黄巢入闽，时大乱。中和初，陈岩逐其帅，自称观察使。光启二年，王潮据泉州。岩卒，潮入福州。乾宁三年，升为威武军，以潮为节度使。潮卒，弟审知立，梁初，封闽王。领县十，乾化初，以梅溪场为闽清县。贞明间，升为大都督府。审知卒，子延翰立，僭称大闽国，弟延禀杀延翰，推延钧留后，仍僭号改元，升为长乐府。领县十四，以罗源场为罗源县，感德场为宁德县，归化场为德化县，永顺场为顺昌县。子继鹏弑延钧自立，遇害，季父延羲立，亦遇害，弟延政立，称闽王，以福州为东都。南唐灭之。刘汉初，国归吴越。周改为彰武军。宋初复为威武军，属两浙西南路。雍熙二年改为福建路。景德三年置安抚使，以福州守臣兼领。嘉祐四年，带钤辖。大观元年，升为帅府。元至元间，改福州为路。属福建行中书省。

国朝洪武元年归附，二年，改路为府。改福宁州为县，四年，改福清州为县。十一年，改行中书省为福建等处承宣布政使司，福州属焉，辖县十三。闽、侯官、怀安、古田、闽清、长乐、连江、罗源、永福、福清、福宁、福安，宁德。成化九年，升福宁县为州，辖福安、宁德二县，升属布政司，本府止辖十县。

闽县 附郭在府治东南，汉闽越王都此。及立冶县，属

docsriver 文川网
入驻商家 古籍书城

在文川网搜索古籍书城 获取更多电子书

会稽郡。汉末改东侯官。吴属建安郡。晋太康中，析置原丰县，属晋安郡。隋开皇中，改为闽县。大业初，置郡，复治闽县。伪闽两改为长乐县，寻仍旧。宋、元仍为闽县。国朝因之。国初编户四十里，内四坊，外三十六里，统图一百二十六。

侯官县 附郭在府治西南。汉初本治县地。元鼎中，立侯官都尉，属会稽郡。汉末为东侯官县。吴属建安郡。晋属晋安郡。隋省入闽县。唐武德中，更置於州西北之江岸，去城三十余里。贞观五年，复省入闽县。嗣圣十九年，析闽县西十二乡复置。贞元五年，洪水漂没，福建观察使郑叔则奏移入城今治。元和二年复省。五年复置。五代唐长兴四年，改为门兴，以长乐为侯官。清泰二年，皆复旧。宋、元仍为侯官。国朝因之，编户四十里，内四坊，外三十六里，统图六十八。

怀安县 附郭在府治之北，隋皆闽县地。宋太平兴国间，郡守何允昭奏闽县划疆不啻百里，编户二万，簿籍繁，征输远，请析九乡八千户置怀安县。初治芋原江北三十里。咸平二年，转运使丁谓奏移石岵，始广故驿为治，在州城西北二十五里。元至元间，迁治于县西，寻复旧。国朝洪武十二年，县丞张希闵以县治逼大江，而府城西北隅皆本县地，奏移今治，古罗城永安门外也。是年，知县薛武始创公署廨舍，编户二十七里，内二坊，外二十五里，统图四十七。弘治间，给事中许天锡奏欲分并闽、侯，下镇巡三司议处。正德间准照小县裁减官吏，县治俱仍旧。

古田县 在府城北二百八十里，唐以前为山洞，属侯官。开元二十七年，洞豪刘强、林溢、林希等来归顺，都督李亚丘遣参军杨楚畹招致谢能等千余户，奏立县于双溪之汇，屏山之南。

后又析侯官、尤溪二县地益之。宋太平兴国初，转运杨克让请迁于水口。端拱元年，转运崔策复请还旧，即今治。元仍旧。国朝因之，编户四十八里，今增至五十八。

闽清县 在府城西北一百二十里，本侯官县地。唐贞元中，观察使王翊析县北十里置梅溪场。五代梁乾化初，闽王审知升为闽清县，宋、元仍旧。国朝因之，编户八里，今只六里半。

长乐县 在府城东南百余里，隋以前皆为闽县地。唐武德六年，析闽县地，立新宁县，在今十二都敦素里平川。距今县治十五里，人犹称为古县，寻改为长乐县。上元初，防御使董玠以其卑潦，移于吴航头。元和二年，省入福唐县。五年，复置。五代唐长兴四年，伪闽改为侯官县。三年，复为长乐。永隆三年，改闽县为长乐，长乐为安昌。明年，又复为长乐。宋、元仍旧。国朝因之，编户二十二里，今四乡内二隅，外二十有四都，统图一百一十三。

连江县 在府城东北九十五里，故闽县地。晋太康三年，析温麻船屯置温麻县，属晋安郡。隋开皇中，省入闽省。唐武德六年，王义童复析置，寻改名连江。宋、元仍旧。国朝因之，编户二十四里，今增至四十一。

罗源县 在府城东北一百五十里，本闽、连江二县地。唐大中元年，观察使韦岫以连江一乡为罗源场。咸通二年，又分闽县地益之，号永贞镇。五代唐长兴四年，伪闽升为永贞县。宋天禧五年，避御讳改永昌。乾兴元年，始改为罗源。县初治水陆寺西界双溪之间，地卑潦多水患。庆历八年，知县陈侁因土民倪昱、陈智津奏请，乃迁旧县东北之戴坑。元仍旧。国朝因之，编户一十四里，今增为十六。

永福县 在府城西百二十里，木侯官、尤溪二县地。唐永泰二年，节度使李承昭县各析一乡，置永泰县。宋崇宁元年，改今名。元仍旧。国朝因之，编户三十六里，今只九里。

福清县 在府城东南一百二十里，隋为闽县地。唐析闽县置新宁县，改名长乐。圣历二年，析长乐南八乡置万安县。天宝元年，改名福唐。梁开平二年，改为永昌。后唐同光元年，复为福唐。晋改南台，伪闽改为福清县。五季王、李二氏迭有此土，卒归吴越。宋太平兴国三年，以属太平军。八年，又归于福州，县治永庆里。元元贞初，升为州。国朝洪武二年复为县，编户三十六里，今增至一百一十二。

郡 名邑名附

福州府

七 闽 按职方氏注，闽子孙七种，故曰七闽。又按《三山志》，七者，所服国数也。

闽 中 宋曾巩《道山亭记》：“福州治侯官於闽为中，土所谓闽中也。”

晋 安 晋衣冠士类多避地於此，故名。

长 乐 《闽中记》：“地名长乐，居者安之。”

三 山 九仙、乌石、越王，三山俱在城中，故名。

榕 城

东 冶 以越干冶铸得名。

东 瓠 旧经：“闽越地即古东瓠，今建亦其地。”考之《史记》，高帝立无诸为闽越王，都冶。惠帝立摇为东海王，都东瓠。苏林注：“冶，山名，今名东冶。”《治平图》谓之泉山，即今福州将军山也。徐广注：“东瓠，今之永嘉。”然则，闽越、东瓠，其为两国无疑。旧经谓闽越即古东瓠，非也。又见建宁郡名志。以上亦附郭三县通称。

怀安县

石 岵宋咸平间，尝移治石岵。旧记：山曲曰岵。

古田县

《三山志》：“洞豪刘强等以土地、人民归都督李亚丘，咸曰：“祖父咸亨中来此。”因古昔田南垦辟而居，故名。

玉 田田中尝产青玉，故名。

闽清县

本志：县溪与大江汇，江水浊而溪水清，故名。

梅 溪溪多植梅，故名。

长乐县

新 宁唐名取书“宅新邑、宁厥止”之义。

吴 航吴尝造航於此，故名。

安 昌**连江县**

《三山志》以县治连接江水，故名。

风 邑山势如飞凤，故名。

罗源县

《三山志》：“溪名，亦姓也。”

罗 川**永 贞****永福县**

《三山志》：“唐永泰间置县，初名永泰，宋避哲宗陵，改今名。

永 泰**福清县**

旧记谓：县之山自永福而来，溪自清源而分，故名。考之於志，永福得名乃在福清之后，其说盖未必然。

万 安

福 唐俱唐名。

永 昌梁名

玉 融县有玉融山，故名。

分 野

历数家周天十二辰次为纬，二十八宿为经。舆地有九州十二国分野应之。福州，禹贡属扬州。历家以为吴地应丑分星纪之次，斗牵牛须女之度。然扬州自江淮以南，东南际海，皆其域。福州濒南海，弹丸之地，统言之，皆丑分星纪之次，斗牛女之度。细析之，当起自女四度，讫牛之七度而止，十县盖皆即此云。

疆 域

福州府

南北袤四百四十五里，东西广四百四十里。

东至海岸一百九十里。

西至延平府南平县界二百五十里。

南至兴化府莆田县界二百三十里。

北至建宁府政和县界四百里。

东南到大海二百八里。

西南到兴化府界三百六十里。

东北到福宁州界二百一十里。

西北到延平府城二百七十八里。

自府治至南京二千八百七十二里，至北京六千一百三十三里。

闽 县

袤八十里，广九十三里。

东至连江县界九十二里。

西至侯官县界城中南街以东为闽，西为侯，城外南台以西为怀，东为闽，南至福清县界八十里。

北至怀安县界城中丽文坊以南为闽，以北为怀，毛应桥南为闽，北为怀，汤门外南为闽，北为怀。

东南到长乐县界七十五里，

西南到怀安县界十七里，

东北到怀安县界一里而近，

西北到怀安县界一里而近。

侯官县

袤九十里，广八十一里。

东至闽县界城中南街西属本县，东属闽。

西至永福县界八十里，

南至侯官县界一里，

北至古田县界一百七十里，

东南到闽县界二里，

西南到侯官县界三里，

东北到连江县界八十里。

西北到侯官县官十五里。

古田县

袤二百五十里，广八十三里。

东至罗源县界二百四十里，

西至延平府南平县界一百五十里，

南至闽县加崇里一里而近，
北至怀安县五里，界首至县二十里，
东南到闽县一里，
西南到永福县五十里，界首至县五十里，
东北到怀安县界二里而近，
西北到闽清县仁溪埕百里，界首至县三十里。

怀安县

袤二百一十里，广八十五里。
东至连江县界七十五里，
西至侯官县界一里城外南台西属本县，东属闽，
南至闽清县一百五十里，
北至建宁府政和县界二百里，
东南到侯官县界一百七十里，
西南到尤溪县界一百五里，
东北到宁德县界二百里，
西北到政和县界八十里。

闽清县

袤一百二十里，广八十五里。
东至侯官县仁德里十五里，
西至尤溪松阴里七十里，
南至永福新丰里五十里，
北至古田和平里七十里，
东南到侯官守仁里十五里，
西南到永福平盖里一百里，
东北到古田邵南里六十里，

西北到尤溪松阳里七十里。

长乐县

袤六十五里，广一百二十里。东至大海澳一百二十里，

西至闽县界一里，水路百二十里至县，

南至福清县界五十里，

北至海五里，水路至连江县一百二十里，

东南到东洛水路百三十里，

西南到石尤岭福清县界六十里，

东北到当田澳连江县界一百二十里，

西北到闽县界苦行溪五里。

连江县

袤九十五里，广七十里。

东至海二十里小埕水寨一百里，

西至怀安县界豪虎岭四十里，

南至闽县界二十五里，馆头渡一十五里，

北至罗源县界应德铺八十里，

东南到海三十五里，

西南到闽县界二十五里，

东北到罗源县界一百二十里，

西北到怀安县界九十里。

罗源县

袤九十五里，广七十里。

东至宁德县白鹤岭界四十五里，

西至连江县东禅岭界二十五里，

南至连江县北山界三十五里，

北至古田县三十八都界一百八十里，
东南到连江抵海四十里，
西南到连江县二十五里，
东北到海一十五里，
西北到怀安县界六十里。

永福县

袤一百一十五里，广一百二十五里。
东至侯官县界六十里，
西至延平府尤溪县界九十五里，
南至兴化府莆田县界七十里，
北至闽清界四十五里，
东南到兴化府界八十五里，
西南到泉州府德化县界百里，
东北到侯官县界七十五里，
西北到闽清县界六十里。

福清县

袤一百四十五里，广一百二十里。
东至大海五十里，
西至兴化府百丈岭分水为界六十里，
南至大海百二十里，
北至长乐县石尤岭分水为界二十五里，
东南到海一百五十里，
西南到莆田县岭分水为界六十里，
东北到长乐县薛田岭分水为界五十里，
西北到闽县常思岭分水为界六十五里。

形 胜

闽越地肥衍。唐《韩昌黎集》曰：“有山泉禽鱼之乐”云云。

凭山负海。唐杜祐《通典》：“闽越遐阻，僻在一隅”，云云。

逢兵不乱，逢饥不荒。晋郭璞《迁城记》曰：“前有饭床，后有金枪”，云云。

水清山秀，为东南之尤。唐黄璞《闽中名士录序》。

东南际海，西北多峻岭，抵江。《宋史·地理志》

南望交广，北睨淮浙。《三山志》

连山络其精神，巨渊敞其眉目。元程钜夫《送郭元坦序》云云。

东带沧溟，百川丛会。旧记

其地坦夷。《图经》剑、汀、邵、号上四州，地多溪山之险。福、兴、泉、漳，号下四州，其地坦夷。

吻海派江。唐《沈亚之集》：“闽城吻海而派江，附山以居，无安沼平池游船娱乐之地。”

长江在其南，大海在其东宋曾巩《道山亭记》。

全闽八郡，长乐为冠。宋蒋之奇文。

东南都会蔡襄《学记》。

古 田 “文笔峙乎其东，五华盘乎其西，北萃翠之屏，南案仙亭。”元吴海《送郑训导之古田序》云云。

闽 清 “大江环其左，屏山耸其前。凤凰南翔，朱顶西舞。山水清妍，西高东下。”俱出本志。

长 乐 “东滨大海，西接瀛洲，首石峙其北，长江经其南。前揖平原，后负崇冈。沧海环其左，双江拱其右。而首石一山，高出霄汉，登高望远，足为胜观。虽东南之边疆，实闽邦之名邑也。”俱出本志。

连 江 “地居福唐边辖，东连沧海，西挹重城。闽峤居前，罗川拥后。沉

蝶案於水中，簞笔峰於天际。形胜俨出群之威凤，石梁亘百丈之长江。五马内朝，三台外辅。”出本志。

罗源“控负重山，襟带巨海。四明角拱，三台臂揖。凤屏拥其后，席帽拱其前。五马驻其东，铁峰峙其西。文笔有插天之峻，莲花有突地之奇。两溪左蟠，三川右绕。”出本志。

永福“其山崖悬蹇耸伏，叠见层出；其水行山间，悍激回伏，走潏藏石”。宋知县黄子理《玩芳亭记》云云。永之主山，由磨笄山溯流而上，一起一伏，至县治如蛇状，溪流环抱漱玉，无喧聒声。东合于大溪，行七里许，有一山，状如展旗而入，人为报捷山，又谓之旗山带水。

福清“东滨大海，西连巨麓。双旗五马距其阳，鹭峰金翅敌其阴。”出本志。“玉融之邑，东际大海，川原缭绕，溪渚洄状。南有双旌、覆釜，北有鹭峰、金翅，西则紫云、天竺森列，紫翠葳蕤，凝然可掬，而县治屹立于其间。”

风 俗气候岁时附

福州府其俗俭嗇，喜讼好巫。《图经》：“其俗俭嗇，争者喜讼，病者好巫。”海滨儿洙泗。同上。自晋永嘉衣冠趋闽，畏乱弗仕。神龙中，州人薛令之始登第，其后李椅、常袞皆以崇重学校为意于时云云。女作率登於男，同上民俗舒缓。本志：由建剑溪湍而下，泉莆潮碛而上，适至是而平，民生其间，其性舒缓，其志强毅，可以久安无忧，真乐土也。”产惧薄以勤羨，用喜嗇以实华。《闽中记》家庠序而人诗书。同上：“自晋宋尚文雅以来，教化丕变”云云。君子外鲁内文，小民谨事畏法。同上。民以鱼盐为生。同上。民安土乐业。宋《地理志》：“民土乐业，川原浸灌，田畴膏沃，无凶年忧。”向学喜讲诵，好为文辞。硤确之地，耕耨殆尽。同上：“土地迫隘，生籍繁伙，虽硤确之地，耕耨殆尽，亩直寔贵焉。”以上附郭三县同，外县或同。民识教化。宋《儒学记》：“先是邑人尚巫，景德间，李堪令邑，禁之，民始识仁义礼乐教化。民俗鄙朴，颇好评讼。本志。以上古田。家相率而学，人相率而善。宋贡士庄《增田记》。男耕女织，民不侈靡。《通志》。以上闽清。

土瘠民稠，本志男勤耕读，女尚蚕织。同上滨海者事鱼钓，附山者为工商。同上。以上长乐。地瘠民贫。宋林耕《贡土庄记》。习用俭约，人多尚义。本志。以上连江。产薄民淳，士尚儒雅，多敦本业，近海者以渔为生。以上罗源。火翳水耕，崖锄陇蒔。宋《玩芳亭记》其“山居之民，终身不知车马驰骤之逸”云云。民淳而好礼，元员外林温“又多文学之士”。云云。易治而难服。林岳《虚心堂记》：“簪纓星罗，弦诵风行，鬻醪有文，农工知艺”，云云。以上永福。土瘠，物货不产。宋《陈公生祠记》“商贾靡至”。云云。君子多业诗书，细民多执工艺。县地瘠人贫，秀民读书登第者与长乐相埒。而小民执工艺以营衣食者，视诸县独多。喜争健讼。其俗劲悍，喜争而健讼。以上福清。

气 候

福濒海依山，多飓风蒸岚，湿热少寒。桃李冬华，木叶鲜脱。谚云：“四季皆是夏，一雨便成秋。”附郭岚气差薄，外邑为甚，秋冬间有感疾者。地暖，故田禾多两获。

岁 时

元 旦

祈 年五鼓后，郡人皆严洁厅宇，陈酒果，焚楮币，拜上下神祇，以祈灵贶。

序 拜闽俗最重元日。黎明，各盛服，脍祀毕，序拜称觴，祝尊者寿，然后出，拜亲族邻里，往反更谒，尽节假乃止。按旧志：岁节往来，自缙绅而下，士民、吏胥、商贾、皂隶，衣服有等，称谓有常，鬻珠不敢陵躐。盖宋之盛时风俗如此。南渡以后渐等威。历元至今，流风余韵，虽间有存者，然视宋之盛时，相去天渊矣。

上 冢岁节之二三日，华门巨姓，率携长幼拜扫坟莹，至开假乃止。

入 学宋之盛时，凡乡里皆有社学。岁前一二月，父兄相与议求有学识行

docsriver 文川网
入驻商家 古籍书城

在文川网搜索古籍书城 获取更多电子书

又可以师表后进者一人，推有力者为纠首，以诸生姓名具关敬谒，以请许可。乃于岁节后十日，备礼延致於学，子弟迎谒再拜，执经授业课试，率有规约。其资质俊秀者，恒以岁通一经为期。郡守程师孟诗云：“城里人家半读书”。又云：“学校未尝虚里巷”。故当是时，周希孟、陈烈诸先生相继以德行经术鸣于时，人才之盛，盖彬彬焉。其后士以趋试上庠，率游学四方，而乡之先生乃各开门以待来者，事师之礼寔哀，教人之法甚略，陵夷以至今日益甚，此有识之士所为慨叹也。

立 春

蔬 饼 闽俗立春以为节物，宋蔡襄《立春寄福州郡守燕度诗》：“春盘食菜思三九”。又罗源林迥诗：“青韭供盘饼面圆”。

土 牛 前一日，太守率僚属祭勾芒于东郊，迎土牛至府前，居人门首，各焚楮钱，撒盐米。盖迎祥却祟之意。

上 元

彩 山 宋时，每岁元夕，州设彩山，以向谯门，集俳优妓女大合乐其上。渡江后废。绍兴中，张浚为帅，复设，自是不废。入国朝来，民俗祈年，虽间有设于境者，而官府则不复设，亦可以观我祖宗节俭之化也。

观 灯 宋时，郡守每遇上元，会监司置酒临赏三夕。元丰中，刘瑾为守，元夕，命民间户燃灯十盏。陈烈作大灯，题诗其上曰：“富家一盏灯，太仓一粒粟；贫家一盏灯，父子相聚哭。风流太守知不知，惟恨笙歌无妙曲。”瑾闻而谢之。按《晁氏家语谓》：“蔡君谟于上元令民间点灯七盏。陈烈作大灯，书此诗其上。君谟见之，罢灯”。其说与此不同，考之于史，君谟与烈同时，最厚。而刘瑾为郡，后君谟三十六年。晁氏之言，或有所据也。

寒 食

开花园 宋时，州园在牙门之西，谓之春台馆。岁二月启钥，纵民游赏，常阅一月，盖与民同乐之意。蔡襄为郡日，有开花园诗：“风物朝来好，园林雨后清。鱼游知水暖，蝶戏见春晴。草软迷行迹，花深隐笑声。观风聊自适，不用管弦迎。”程师孟《春风亭》诗：“为报寻芳沽酒客，年年到此且徘徊。”今园已废，而宦游者亦无暇及於此。

游 山 郡人以是日踏青，东郊尤盛，多拾野菜煮羹，亦唐人杏粥榆羹之意。

也。

墓 祭郡之富室大姓，多有贍茔田，寒食前后举墓祭。祭毕，合族人燕饮款合，竟亦尊祖睦族之道也。

三月三日

迎赛闽山庙神，妆扮神前仪从，裂彩为台阁，以小儿妆铁枝，罗绮珠翠，极其侈丽，费用不费。正德戊寅，御史程昌革之。

端午

插艾是日插艾于户上，以攘沴气。乡村或采楝木叶插之，谓可禁蚊。

系五色线小儿辈悉以五色线系臂，名曰长命缕。又曰续命缕。父老相传，谓可辟蛇，至七夕始解。

饮菖蒲酒李彤《四序总要》云：妇礼，五日上续寿菖蒲酒，以《本草》云菖蒲可以延年故也。今郡人是日饮之，名曰饮续。

角黍楚人是日以竹筒贮米祭屈原，名筒粽。后人相承，遂用箬叶裹米而熟之，名曰角黍，以为节物。

竞渡楚人以吊屈原。后四方相承，遂为故事，闽俗尤重之。南郡台江沿内诸河，龙舟旁午，钲鼓喧阗，共斗轻驶。宋郡守程师孟诗：“三山缥缈菖蒲瀛，一望青天十里平。千骑临流擎翠擘，万人拥道出重城。参差蜃竦横波阔，飞跃鲸鲵斗楫轻。且醉樽前金激滟，笙歌归去月华明。”绍兴中，因争斗杀伤，遂一切句纳，分诸院修浮桥船。后稍稍复造，迄今又益盛矣。又有岸舟箫鼓导迎。至端午次日，为纸舟焚于水次，俗以为送疫。

采药乐郡人多出城收采诸药品蓄之。

七夕

乞巧是夜，儿女罗酒果于庭，祝牛女二星，瞻拜以乞巧。闽令应靡诗：“彩楼乞巧知多少，直到更阑漏欲终。”

中元

焚楮衣前中元一二日，具酒饌，祭享祖考，仍以纸衣焚献。

重阳

以角黍为节物，如端阳。或登高临赏。又谓菊花能延年，茱萸能辟祟，皆觴饮